

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: 02-02-374/23
Mostar, 06.12.2023. godine

IZVOD IZ ZAPISNIKA
sa devete (IX) redovne sjednice Skupštine
Hercegovačko-neretvanskog kantona

Sjednica je održana dana 06.12.2023. u sali Skupštine Hercegovačko-neretvanskog kantona u Mostaru s početkom rada u 13:00 sati.

Sjednicu je otvorio Džafer Alić predsjedavajući Skupštine Hercegovačko-neretvanskog kantona.

Konstatovano je da je na sjednici prisutno **26** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Predsjedavajući Skupštine HNK Džafer Alić obavijestio je poslanike da je u materijalima dostavljen prijedlog dnevnog reda koji je utvrdio Kolegij Skupštine.

Otvorena je rasprava po prijedlogu dnevnog reda.

U raspravi nije nitko učestvovao.

Obavljeno je glasanje da se o Prijedlogu izmjena i dopuna Budžeta Hercegovačko-neretvanskog kantona za 2023. godinu izjašnjava po skraćenom postupku.

Nakon glasanja konstatovano je da je sa 15 glasova „Za“, 5 „Suzdržanih“ glasova i 1 glasom „Protiv“ usvojen prijedlog da se o Prijedlogu izmjena i dopuna Budžeta Hercegovačko-neretvanskog kantona za 2023. godinu izjašnjava po skraćenom postupku.

Obavljeno je glasanje da se o Prijedlogu Zakona o izmjeni i dopuni Zakona o izvršenju Budžeta Hercegovačko-neretvanskog-kantona za 2023. godinu izjašnjava po skraćenom postupku.

Nakon glasanja konstatovano je da je sa 15 glasova „Za“, 6 „Suzdržanih“ glasova i 1 glasom „Protiv“ usvojen prijedlog da se o Prijedlogu Zakona o izmjeni i dopuni Zakona o izvršenju Budžeta Hercegovačko-neretvanskog kantona za 2023. godinu izjašnjava po skraćenom postupku.

Predsjedavajući Skupštine HNK Džafer Alić predložio je slijedeći dnevni red kojeg je utvrdio Kolegij Skupštine:

- 1. Poslanička pitanja,**
- 2. Prijedlog izmjena i dopuna Budžeta Hercegovačko-neretvanskog kantona za 2023. godinu, po skraćenom postupku,**
- 3. Prijedlog Zakona o izmjeni i dopuni Zakona o izvršenju Budžeta Hercegovačko-neretvanskog kantona za 2023. godinu, po skraćenom postupku,**
- 4. Dokument okvirnog Budžeta za 2024.-2026. godina**

Obavljeno je glasanje po prijedlogu dnevnog reda sa 9. redovne sjednice Skupštine HNK.

Nakon glasanja konstatovano je da je sa 21 glasom „Za“, i 5 „Suzdržanih“ glasova usvojen prijedlog dnevnog reda sa 9. redovne sjednice Skupštine HNK.

1. Poslanička pitanja

Arman Zalihić:

Poslanička inicijativa upućena Vladi HNK:

Samo ću iskoristiti kratko priliku, pošto je u međuvremenu imenovana i nova Vlada, da podsjetim da smo donijeli na jednoj od prethodnih sjednica Zakon o, promijenili Zakon o dopunskim pravima boraca i napravili prostor da podzakonskim aktom Vlada donese uredbu kojom će propisati da prilikom zapošljavanja, kod prvog zapošljavanja one osobe koje su tretirane članom 2., Zakona o dopunskim pravima boraca, to jest djeca poginulih branitelja ili boraca i ostale kategorije imaju dodatne bodove i privilegiju prilikom zapošljavanja.

Danijela Mišura:

Poslaničko pitanje upućeno predsjednici Vlade HNK Mariji Buhač:

U kakvom je finansijskom stanju Budžet našeg kantona, te nam taksativno pobrojite dugove i obveze koje ne možemo izvršiti u ovoj fiskalnoj godini?

Ivan Odak:

Poslaničko pitanje upućeno predsjednici Vlade HNK Mariji Buhač:

Da li je konačno Vlada imenovala direktora Zavoda zdravstvenog osiguranja?

Damir Džeba:

Postavit ću pitanje Obrtničkoj komori HNK-a. Poštovani, molim da dostavite izvješće o provedbi i učincima Zakona o obrtu i srodnim djelatnostima Federacije Bosne i Hercegovine. Službene novine Federacije BiH br. 75/21. Znači, izvješće o učincima i provedbi ovoga Zakona na obrtništvo, obrtnike u HNŽ-u, i zakonska rješenja po kojima djeluje Obrtnička komora, te izvješće o radu. Također, i važeći statut Obrtničke komore HNK-a.

Iva Raguž:

Zastupnička inicijativa upućena Ministarstvu obrazovanja, nauke kulture i sporta HNK:

Inicijativu za uspostavu Centra za poticanje darovitosti.

Vesna Šunjić

Poslanička inicijativa br. 1 upućena za gospodu Kevelj predsjednicu Upravnog odbora Zavoda zdravstvenog osiguranja:

Molim da uz financijski plan Zavoda zdravstvenog osiguranja za 2024. godinu pripremite informaciju o ukupnom dugovanju prema Zavodu od strane Javnih zdravstvenih ustanova koje se financiraju iz sredstava Zavoda, na ime doprinosa iz osnovnog osiguranja, kao i sve aktivnosti koje ste poduzeli u cilju naplate istih.

Na koji način radnici zaposleni u zdravstvenim ustanovama, koje ne uplaćuju doprinose za obvezno zdravstveno osiguranje ostvaruju prava iz oblasti zdravstvene zaštite?

Poslanička inicijativa br.2 upućena za gospodina Bevandu, ministra zdravstva, rada i socijalne skrbi HNK: Inicijativa se odnosi na intenziviranje aktivnosti na pripremi prijedloga Zakona o socijalnoj skrbi. Nacrtni Zakon o socijalnoj skrbi je razmatran na 5. sjednici Skupštine koja je održana 27. 02. 2023. godine. Na toj sjednici je zaključeno kako će se provesti tri javne rasprave, odnosno javne rasprave u tri grada. Nikada nismo dobili povratnu informaciju o provedenim javnim raspravama, niti prijedlog Zakona, a prošlo je dosta vremena. S obzirom da se radi o iznimno važnom Zakonu, ljubazno molim da uvažavajući Zaključke javnih rasprava intenzivirate aktivnosti kako bi se Zakon što prije našao na dnevno redu Vlade, odnosno Skupštine.

Poslaničko pitanje br. 1. upućeno gospodinu Mariću ministru unutrašnjih poslova HNK:

Koliko kazni je MUP HNK-a tijekom 2023. godine naplatio za neovlašteno parkiranje na parking mjestu za osobe s invaliditetom? Koje mjere planirate poduzeti u cilju sankcioniranja nesavjesnih vozača koji se redovno i bez ikakvih sankcija potpuno neovlašteno parkiraju na mjesta za osobe s invaliditetom?

Poslaničko pitanje br. 2. upućeno za gospodu Enisu Goluža, ravnateljicu Pedagoškog Zavoda i gospodina Željka Ćorića, ravnatelja Zavoda za školstvo:

Molim da mi dostavite informacije o provedenom nadzoru u 2022. i 2023. godini u osnovnim i srednjim školama u skladu s pravilnikom o obavljanju stručno-pedagoškog nadzora u predškolskoj ustanovi, osnovnoj, srednjoj školi, učeničkom domu. Ocjenu o radu škola utvrđenu općim nadzorom, ocjene o radu ravnatelja, zamjenika, pomoćnika ravnatelja, ocjene o radu utvrđenu uže-stručnim nadzorom, prijedlog-status implementacije mjera za unaprjeđenje odgojno obrazovnog rada i prijedlog mjera za otklanjanje utvrđenih nedostataka, kao i broj savjetnika po oblastima.

Ivana Buntić-Jovanović:

Poslanička inicijativa br 1. upućena Ministarstvu zdravstva, rada i socijalne skrbi HNK:

Molim vas da za godinu 2024. planirate i odvojite novac potreban za formiranje stručnog tima za liječenje poremećaja u prehrani.

Poslanička inicijativa upućena br.2 upućena Ministarstvu prosvjete,nauke kulture i športa HNK:

Molim vas da za godinu 2024. planirate i odvojite novac potreban za zapošljavanje logopeda i psihologa u naše škole.

Vesna Saradžić:

Poslanička inicijativa upućena Ministarstvu zdravstva, rada i socijalne skrbi HNŽ/K i Zavodu za javno zdravstvo HNK:

Upućujem inicijativu prema resornom Ministarstvu i Zavodu za javno zdravstvo Hercegovačko-neretvanske županije, da budu pokretači i nosioci aktivnosti u pravcu istraživanja i otkrivanja uzroka povećanja broja oboljelih od karcinoma. Nažalost, mnogo je potencijalnih uzroka i od izuzetne je važnosti detektirati ih kako bi se moglo preventivno djelovati.

Omer Hujdur:

Poslaničko pitanje upućeno Vladi HNK:

Do kada ćemo financirati, trošiti novac građana ove županije za Zračnu luku Mostar, a za uzvrat imati loše ili nikakve rezultate?

Poslanička inicijativa br. 1 upućena Vladi HNK:

Tražim da se zakonski omogućiti i osiguraju sredstva, ili uvrsti stavka u Proračun za sljedeću godinu, za financiranje dječjih doplata za obitelji koje imaju troje i više djece, bez obzira na primanja roditelja.

Poslanička inicijativa br. 2 upućena Vladi HNK:

Tražim da se osiguraju sredstva ili uvrsti u Budžet za sljedeću godinu stavka za financiranje vodovoda za mjesne zajednice Podgorani, Vranjevići i Međine.

Mirko Vasilj

Poslaničko pitanje upućeno ravnatelju Uprave za civilnu zaštitu i vatrogastvo Hercegovačko-neretvanskog kantona gospodinu Eugenu Čubeli:

Molim vas da mi dostavite sljedeće podatke i informacije: Procjenu ugroženosti od požara HNK-a, Program razvoja zaštite i spašavanja od požara i vatrogastva za HNK-a, Plan zaštite od požara za HNŽ, i godišnji plan aktivnosti na realizaciji zadataka utvrđenih za zaštitu od požara i vatrogastva, a koje ste u obvezi izraditi u skladu sa Zakonom o zaštiti od požara i vatrogastva u HNK-u.

2. Prijedlog izmjena i dopuna Budžeta Hercegovačko-neretvanskog kantona za 2023. godinu (skraćeni postupak)

Obrazloženje su dali Marija Buhač predsjednica Vlade HNK i Adil Šuta ministar finansija u Vladi HNK.

Ispred komisije za budžet, finansije i ekonomsku politiku obrazloženje je dala Marija Matuško:

Naime na prvoj održanoj sjednici komisije za budžet, finansije i ekonomsku politiku održanu jučer 5.12. komisija daje pozitivno mišljenje na Prijedlog izmjena i dopuna budžeta HNK odnosno kantona za 2023 godinu.

Komisija nema primjedbi na izmjene i dopune budžeta te se kao takav upućuje u daljnju skupštinsku proceduru.

Otvorena je rasprava.

U raspravi su učestvovali: Arman Zalihić, Ivan Odak, Tomislav Martinović, Vesna Šunjić, Omer Hujdur, Mirko Vasilj i ministar Adil Šuta.

Zastupnik Mirko Vasilj predložio je sljedeći amandman:

Da se u rebalansu budžeta pri ministarstvu prosvjete, obrazovanja, kulture i športa razdjel 17 glava 01, potrošačka jedinica 001 i ekonomski kod 614300 planirana sredstva od po 260 tisuća maraka predviđena za Zrinjski i Velež umanje za po 130 tisuća maraka te se ista u iznosima po 130 tisuća maraka doznače nogometnom klubu Gošk Gabela i fudbalskom klubu Igman Konjic.

Usljedila je **pauza** od 30 minuta.

Nakon stanke ministar financija u Vladi HNK Adil Šuta dao je sljedeće obrazloženje: Vlada je razmatrala amandman gospodina Vasilja ispred Hrvatske republikanske stranke imajući u vidu obaveze i kriterije, i sve strože uvijete koje moraju Premijer ligaški klubovi ispuniti Vlada će udovoljiti na drugi način ovome zahtjevu. Amandman u ovome obliku nije prihvaćen.

I ovaj drugi dio što se tiče kolege Odaka, u kantonalnom Ministarstvu poljoprivrede postoji stavka od 100000 KM i Vlada će na jednoj od sljedećih sjednica kroz izvršenja Budžeta realizirati sve ove stavke, tako da ćemo i ovu poziciju koju ste vi rekli sagledati zajedno i donijeti odluku na Vladi.

Obavljeno je glasanje o Prijedlogu izmjena i dopuna Budžeta Hercegovačko-neretvanskog kantona za 2023. godinu.

Nakon glasanja konstatirano je da je sa 17. glasova „Za“, 4 glasa „Protiv“ i 4 „Suzdržana“ glasa usvojen Prijedlog izmjena i dopuna Budžeta Hercegovačko-neretvanskog kantona za 2023. godinu.

3. Prijedlog Zakona o izmjeni i dopuni Zakona o izvršenju Budžeta Hercegovačko-neretvanskog kantona za 2023. godinu (skraćeni postupak)

Obrazloženje je dao Adil Šuta ministar finansija u Vladi HNK.

Poslanica Marija Bošković je u ime Komisije za utvrđivanje istovjetnosti tekstova na jezicima konstitutivnih naroda i informiranje dala obrazloženje da je Komisija održala drugu sjednicu 5. 12.2023. godine i da je razmatralo predloženi tekst Zakona, te na isti nema primjedbi.

Poslanik Daniel Babić je u ime Komisije za zakonodavno-pravna pitanja dao obrazloženje: Komisija je na prvoj sjednici održanoj 6. 12. isto tako razmatralo dostavljeni prijedlog Zakona o izmjeni i dopuni Zakona o izvršenju Budžeta Hercegovačko-neretvanskog kantona za 2023. godinu, te jednoglasno usvojilo zaključak da predmetni Zakon ima Ustavnu i zakonsku osnovu za donošenje i dostavljen je od strane ovlaštenog predlagača. Također na dostavljeni Zakon Komisija nema primjedbi i na zakonodavni postupak te se kao takav može uputiti u daljnju Skupštinsku proceduru, na usvajanje.

Poslanica Marija Matuško je u ime Komisije za Budžet i finansije i ekonomsku politiku dala obrazloženje: Daje se pozitivno mišljenje na prijedlog Zakona o izmjeni i dopuni Zakona o izvršenju Budžeta Hercegovačko-neretvanskog kantona za 2023. godinu. Komisija nema primjedbi na prijedlog Zakona o izmjeni i dopuni Zakona o izvršenju Budžeta Hercegovačko-neretvanskog kantona za 2023. godinu, te se kao takav upućujem u daljnju Skupštinsku proceduru.

Otvorena je rasprava.

U raspravi nije nitko učestvovao.

Obavljeno je glasanje o Prijedlogu Zakona o izmjeni i dopuni Zakona o izvršavanju Budžeta Hercegovačko-neretvanskog kantona za 2023. godinu (skraćeni postupak).

Nakon glasanja konstatovano je da je sa 19 glasova „Za“ i 5 „Suzdržanih“ glasova usvojen Prijedlog Zakona o izmjeni i dopuni Zakona o izvršavanju Budžeta Hercegovačko-neretvanskog kantona za 2023. godinu (skraćeni postupak).

4. Dokument okvirnog Budžeta za 2024.-2026. godina

Obrazloženje je dala Marija Buhač. Predsjednica Vlade HNK.

Zastupnica Marija Matuško je u ime Komisije za Budžet i finansije i ekonomsku politiku dala obrazloženje: Komisija nije imala primjedbi na dokument okvirnog Budžeta za 2024.-2026. godinu, te je stav Komisije da se isti prima k znanju.

Otvorena je rasprava.

U raspravi nije nitko učestvovao.

Predsjedavajući Skupštine HNK Džafer Alić obavijestio je zastupnike da se o navedenoj točki ne glasa te se ista prima k znanju.

Sjednica je završila s radom u 16:30 sati.

PREDSJEDAVALA

Džafer Alić